

職方典第一千一百八十九卷

荊州府部彙考三

荊州府山川考三

府縣志合載

興山縣

羅經山在縣治後高二十里有奇週五十里上有雙峯直干霄漢峯迴壑轉聳青曳翠遙而望之如兩戟然 青龍山在縣治東首峯巒雄秀草木鮮華蜿蜒聳出邑之東臂也 高頭

山在縣治西三十里一峯侵漢萬木留雲對峙青龍拱揖羅經雖脉發於萬朝山而綿互迴繞屏翰邑治之西 仙侶山在縣東三十里峻峭特表幽靜曲折昔有人入山採藥愛其竹樹

蔥蒨雲暖泉寒留居數載焉一日相挈而出摘蘭葉化木舟泛溪水而去故名 老君山在

縣西高三十里周約百里產赤色蛇長五寸羣行如索見人不驚有蟠羊大千餘斤獨角明崇禎間人獲之遂大亂及癸巳復出邑絕火煙上有老君足蹟 萬朝山自老君山分派六十

六峯而茲山特出高五十里羣山環拱萬木蒼森山後積雪經年不溶相傳真武曾修道於上

天柱山在縣北五十里孤峯獨立形宛如柱因名

天竹山在縣北七十里高聳難量元至

正三年民奔山採蕨見其中有一大池旁出竹二竿大數圍詫爲天竹因名

茅蘆山在縣

西北七十里

皇清順治甲申歲獻賊由楚入蜀丙戌春復至興山走施州衛出彝陵由常澧遁於廣癸巳年李來亨等復奔興山往七連坪盤踞十有一年康熙壬寅歲各路官兵四出進剿賊踞山因守至甲辰仲秋兵破寨逆賊盡殲茲山迴圍百里高三十里皆峻壁陡巖爲邑諸山之最險者

靈

霧山在縣西一百二十里

卦子山在縣東一百里雙峯如卦民避亂於上

池山在縣

東四十里四圍壁立一線通頂最爲幽邃上有一池雖極旱而水不涸

五指山在縣東五

十里一山五峯宛如一掌故以五指名上有鐵瓦殿仙人橋萬壽宮玉皇閣夾路石欄人板鐵而上旁有一小石柱高百餘丈頂上老松數株雀巢如壘可望而不可至

開東山在縣治

東十里

雨珠山在縣治北六十里

北城山在縣治北七十里

金子山在縣治北

八十里

青山在縣北一百里

仙侶山高數千丈峯巒凌雲頂上又平衍如地相傳有

羣仙聚其上故名

爛柴山在縣西四十里四面皆崇山峻嶺

九衝山

練城山

盤龍山

華榮山

清風山

明月巖在縣治之西與清風山並立

富貴巖在縣

治之東與華榮山並立

簌葉塢長互二百里怪石橫插叢林葱鬱路通襄鄖行者必聚衆

而入

響水洞在縣東五里洞在懸崖門僅容人入內平坦如屋冷氣襲人山後復有小穴

可入有石級百步級盡則平坦方約里許緣木而下有石柱數根如蓮花蓋托之狀再進少許

似一石橋懸架於兩岩其下波沸如雷世傳有龍居焉

屈老洞在縣東五十里瀑布懸空

夏涼冬暖山花野草四時鮮妍可容人居

建陽峽源出寧都曲折四十八度約十餘里至

建楊村流入香溪

龍口峽在縣北二百五十里

東陽河在縣東五十里

南陽河

在縣西三十里紆折於縣治之前由青龍山下十數里西至屈家鋪合建陽河而入大江

建陽河源出寧都曲折建陽峽四十八度南流香溪入江

夏陽河在縣東六十里

響

巖河在縣東一百里

三堆河在縣西七十里

點軍河在縣北五十里

三溪河在

縣北七十里

公保河在縣北五十里

平水河在縣北七十里

麻林河在縣北九

十里 深渡河在縣西十里源出龍潭怒濤驚波隨山曲折二百餘里達縣 珍珠潭在

縣治南一里昔王昭君常於此處滌妝偶遺珍珠一顆於潭 白龍潭在縣北一百里潭邊

有大樹白龍時掛於上故名 龍口潭在縣北一百里周圍方四十里深邃莫測水從石澗

流出卽縣西河之源 黃龍潭在縣西七十里 南陽溪自鄖陽房縣來逕縣治下會流

入大江 彈子溪在縣東關外 水磨溪在縣北四十里 新奔灘白馬灘 龍池

在縣北六十里 洗墨池在縣北三十里相傳宋狀元洗墨池也 積魚池在縣東四十

里 清泉在學宮之後引流遶殿後環入泮池至南關門外會香溪入大江

巴東縣

巴山在縣治南境又名金字山一峯分三岡形如金字縣治依之 石門山在縣東北三十

五里山有石徑深若重門漢昭烈爲陸遜所敗走此門追者甚急乃燒山斷道僅以得免

桐水山在縣南五十里 向王山山勢高大上無樹木常有雲氣冬則先有雪古向王耕於

此山因名 小戒山勢極高峻惟一道從巖間過止容一人過此則平曠可容百家昔人多

避兵於此

長豐山懸崖峭壁高千萬仞上有石蜜

鐵爐山在縣東三百二十里

虎頭山在縣南三百里

羊乳山在縣北三十里

金蓋山在縣北七十里

石桂山

在縣南二百五十里

高大山在縣南三百里

苦竹山

梁臺山

石羊山

刀尖山在縣西三百三十里

青銅山去縣一百二十里

安居山在縣西南五十里

馬鞍山在縣西南三里

招蜂山在縣西北十里

三盆山在縣西北五十里

飛鳳

山在縣北五里

紫陽山在縣北四十里

雙城山

天寶山

明月山

野龍

山在縣西二十里

羅頭山在縣東七里

雙礮山在縣西三百里

七寶山在縣東

八十里

畫眉山

蜀口山

覆磬山在縣西四十里

金龍山在縣東三百四十

里 鎮南山在縣西三百一十里

紅葵山在縣東三百二十里

西嶺

長嶺俱

在縣東南三百一十里

長子嶺在縣西南三百二十里

馬嶺在縣西南四百二十里

東峯

鐵峯

大峯

白虎洞相傳有異人至白虎輒鳴因名

下馬洞在縣北十

里 秋石洞在縣北二十里

羅頭洞在縣東五十里

鎖洞在縣西北二十里

三潮水石間有水一日三潮因名

清江河江水皆濁惟此獨清故名

三壩河源出九

府坪一流入房縣一流入大盩一流入西漢溪會合大江

東漢溪在縣東

西漢溪在

縣東西二水入大江唐杜甫常居此今草堂基址尙存

赤溪在縣北

龍窩溪在縣南

九安溪在縣西

東瀛溪在縣西南

白磁潭在縣南二百一十里

石門灘中有巨

漩萬餘丈舟行不慎則有覆溺之患

青水灘江水泛急觸而爲漩故舟人戒嚴於此

八斗灘有二上八斗近香爐灘下八斗近橫梁灘俱在縣東十五里

橫梁灘在縣東二十

里 渦龍沱在縣東其水清深不可測相傳有靈物宅焉

大沱石在縣西北大江旁歐

陽修硯譜云巴東大沱石其色青黑斑斑其文微纔亦頗發墨

通幽井相傳飲此可以療

疾其下常有鼓樂聲

陰晴井其上有雲則雨無雲則晴

舊鹽井在縣北八十里元時

置鹽課司

溫涼井在縣南三百里

施州衛

龍回山在衛城東昂然奇秀如龍回顧山下有圓通寺寺有龍回井

象耳山在衛城內一

名艸樓山有修篁佳樹城南一里有象鼻山下有流觴曲水

龜山在衛城內本衛城隍廟

在其上

成山在衛城內本衛土主廟在其上

連珠山在衛城東五峯如貫珠亦名五

峯山宋政和間封山神爲惠嘉侯賜廟額曰永福與此山相接控清江之口者曰龍首山

文筆山在衛城南二里卓立如筆亦名雙翠山此山之西又有丹鳳玉女二山在衛境內

客星山在衛城西五里複嶺重嶂蜿蜒盤薄南連雪嶺高出雲霄

飛鳳山在衛城北以形

似名

翠濤山在文筆山西南山如波濤層湧故名山石高起數十尋有竅南北透明俗號

明山

宜山在衛城西北與月臺相對

猿啼山在客星山南丹崖碧嶂林木叢箐猿聲

最多宋黃知命詩大猿叫罷小猿啼猿裏行人白晝迷春夏常積雪又名雪嶺

天成山在

衛城南十五里有天生橋

藥山在衛城西二十里下瞰麒麟溪山產藥物

金瓦山

在衛城東四十里崖石鱗次然類瓦屋而色黃

畫屏山在衛城東六十里景色如畫

石盤山在衛城東四十九里山頂有大石如盤

天樓山在衛城東五十六里山勢聳拔如

危樓倚天

羅蓋山去衛城五十六里崒然數峰如覆螺杯

金桂山在衛城西南七十

二里有峯峭直其色如金

香城山在衛城北七十四里多麝香

銅甕山在衛城西七

十六里以形似名

金樓山在衛城北八十里崖石層疊如樓

羊角山在衛東百餘里

尖峯高峙天半

赭馬山在衛西北一百一十二里

金雞山在衛城南一百四十里

巾子山在城東一百六十里峯頂狀如巾

石乳山在衛城西一百七十里週迴百里餘山

石層疊多生石乳

都亭山在衛城北二百里崇岡深麓映帶左右山之下多良田廣陌後

周置亭州因山以名

東門山在衛城東南一百餘里舊有關在山之東名東門關相傳土

蠻以此分界

秀屏山在大田所前青峯高聳若屏障然

積翠山在大田所北峯巒秀

麗林木蒼翠爲境奇觀

朝陽山在大田所北門外與所城內山連

小關山在大田所

東百里古置關其上遺壘尙存

七藥山在衛城西四百里與支羅所相近施變可以分望

瘦驢嶺在衛城西七里嶺高路險宋黃庭堅詩艱危寧度瘦驢嶺奔走莫隨肥馬塵謂此

朝霞嶺在大田所東五十餘里峻嶺巍峩曙色將分每有霞彩

通天岩在衛城南十五岩

上有竅可以通天因名

洪岩在衛城南三十里上有真武觀高出羣山俗呼小武當

碧波峯東抱衛城曲折逶迤如波濤層疊因名

旗峯在衛城北十里與鼓水俱近演武場

石通洞在衛西黃庭堅詩古木蕭蕭洞口風昔人曾此出樊籠岩前況有涓涓水好滌塵埃去

效翁

影娥洞在衛城南十餘里日影水光相盪照入洞境甚異

雙城洞在衛北四十

餘里又衛東十里有雙城山下有雙洞

大龍洞在衛城東十五里洞內澄潭歲旱禱雨多

應

清江在衛城東一名彝水源出舊州開蠻界經建始縣流入長陽至宜都入大江蜀江

水皆濁惟此獨清唐元和智者廩君浮土舟卽此

西北江在大田所西二十里有二溪合

流下入洞又有橋高十餘丈若天生然

頭渡河在大田所東十里源出龍洞口流爲河

鐵溝水在衛城東宋蘇軾贈喬太傅云城東坡隴何所似風吹海濤低復起城中病守何所爲

走馬來尋鐵溝水

朝貢水在衛城東六十里

盤龍溪在衛城東北俗傳云昔有龍盤

於此因名

麒麟溪在衛城南源自西山由崖洞激奔直下城溪至夏水極冷亦名冷水河

俗傳宋雍熙中有麒麟出此

通潮溪在連珠山北源發大龍洞其水日消長若潮然

腰帶溪在衛城西數里源自西山由宜山下曲折縈環故名溪有流觴之所

菖蒲溪在衛

城西南一百九十里支羅寨

黔黎溪在衛城西南三百四十里源從北荒中出

萬頃

湖在大田所西南二百里與西陽接界其湖深險行之週圍動搖

嘉蓮池在衛前一名鼓

角池符瑞志宋端拱元年七月施州鼓角池生嘉蓮

龍池在衛城西一百六十里相傳池

中有龍居焉人不敢採捕

蝦蟇池在衛城南一百二十里池多蝦蟇方春水生輒跳躍出

岸間後距先爪前趾變羽隨衆禽飛去土人常得於雀網中

馬公泉在衛城北一里

宜泉在衛城北泉味爲諸水第一

清水泉在衛大田所東泉有二其水如藍靛去所東三

十里蒼岩間有飛泉如迸素練名曰瀑布泉

龍回井在龍回山下明景泰中鑿此井清冽

甘美

文明井在儒學內

廣利井在大田所城中居民日汲焉

荊州衛

八嶺山在城西北二十餘里崇嶺八道蜿蜒勢若遊龍或云卽龍山也明諸王陵墓皆在焉

德勝山在遼安所屯內

香爐山在遼安所屯內

西彌山在彝陵所屯內

百里洲

在郡西六十餘里左右有十數洲盤布江中而此洲最爲平曠桑田甘泉映江依湄梁陸法和

隱此而衛屯多繙錯於中特記

浩子口一作蒿口沔水逕此入湖當潛江之界舊有橋曰

通仙相傳呂希聖故蹟也

荊州右衛

紀山去城四十里荆之主山也西北與當陽之山相接

百里洲在郡西六十里

白龍

潭在紀山寺後潭右黑暗泉流齒齒相傳中有伏龍蛟若素練歲旱取水祈雨輒應

梅花

港江水支流迢遙湖分入此港逕祕師橋石斗門達於城西之隍

水利附

府總

水經云江水自關東逕弱關捍關又東逕信陵縣南又東過彝陵縣南歷峽逕宜昌縣之插窰下又東逕宜昌縣北又東過彝道縣北彝水從俱山縣北注之又東過枝江縣南沮水從北注之江水又東逕上明城北又東逕江陵縣故城南又東逕郢城南又逕南北郡孱陵之樂鄉城北又東逕油河口又東逕公安縣北大江又得龍穴水口右逕石首山又東逕赭要又左逕白

螺山南

江陵城池東南傾陷故緣以全隄自靈溪始桓溫令陳遵監造遵善於防攻使人

打鼓聽之知地勢高下依傍創造略無差池

江陵東北七十里有廢田傍漢古隄壞決凡

二處每夏爲浸溢唐貞元八年節度使嗣曹王臯始命塞之得其下良田五千頃畝收一鍾人

規江南廢洲爲廬舍架江爲二橋

宋乾道七年十月湖北漕臣李燾修江陵潛江里社虎

渡二堤

張孝祥知荆南兼荆湖北路安撫使築寸金堤以免水患

宋汪葉倅江陵郡

郡有三海八櫃恃爲險固豪右據以爲田力復之又築寸金堤以捍江

按禹貢岷山導江東別爲沱又東至於澧過九江至於東陵東迤北會爲渭東爲中江入於海

今澧州巴陵正澧與九江東陵故地也江水方出三峽口如建瓴勢夏秋一漲頃刻千里然迺

彝陵而上山阜夾岸勢不能溢嘉魚而下江面浩闊順流直注中間郡縣兩岸俱平衍下濕水

易漫流但江當江陵公安石首監利華容間自西而北而東而南勢多迂迴至岳陽自西南復

轉東北迸流而下故決害多在荊州夾江南北諸縣縣各沿岸爲堤南岸自松滋至城陵磯隄

凡長亘六百餘里北岸自當陽至茅埠隄凡長亘七百餘里咫尺不堅千里爲壑且決口四通

湖泊盜賊竄伏其間江陵之龍灣市監利之分監所公安石首澧州安鄉之四水口嘉魚之簞洲東江腦俱爲盜賊藪蓋以隄防不修則津渡散漫盜可四出故也自元大德間決公安竹林港又決石首陳瓮港守土官每議築堤竟無成績始爲開穴口之計按江陵舊路有九穴十三口其所可開者惟郝穴赤剝楊林宋穴調弦小岳六處餘皆湮塞迨明初六穴復湮其五故隄防不時泛決然未甚也惟嘉靖三十九年決後殆無虛歲荆岳之間幾爲巨澤矣 江水之

患全在荊州一郡夾岸南北凡六縣北岸則江陵監利隄凡四萬九千餘丈南岸則枝江松滋公安石首隄凡五萬四千餘丈明嘉靖庚申年洪水決隄無慮數十處而極爲要害者枝江百里洲松滋之朝英口江陵之黃潭虎渡公安之搖頭鋪艾家堰石首藕池諸隄衝塌深廣最難爲力者也每歲有司隨築隨決訖無成功至四十五年十月知府趙賢佑議請築務期堅厚自丙寅歷戊辰凡三冬六縣隄稍就緒始立隄甲法每千丈隄老一人五百丈隄長一人百丈隄甲一人夫十人江陵北岸總共隄長六十六人松滋公安石首南岸總共隄長七十七人監利東西岸總共隄長八十人夏秋守禦冬春修補歲以爲常然荊州郡治濱江郡西上一決直衝

郡城西上六十里有萬城隄在當陽江陵之界嘉靖十一年一決直衝郡西城不沒者三版十二年有司挽築更築李家埠重隄護之二十九年又決此隄乃郡治之大要害也後江陵縣專爲修理始得無虞云

五代時高季興節度荆南築堤以障漢水自荆門蘆麻山至潛江延亘百三十里因名高氏堤荊州郡治濱江郡西上六十里有萬城堤界江陵當陽二邑嘉靖十二年決水入郡西城不沒者三版十三年有司築之復築李家埠堤以固其勢南岸則枝江松滋公安石首堤五萬四千餘丈而稱險者虎渡爲最北岸則江陵監利堤凡四萬九千餘丈而黃灘李家埠爲最江水東自沙市有砥突出大江數十丈捍激江水爲之稍紆抱而黃灘之水稍殺至今亦淤塞正德十一年知府姚隆增築月隄三處約千餘丈而黃灘之水復殺嘉靖四十五年大水隄防蕩洗殆盡民之溺死者不下數十萬後復稍葺之隆慶丁卯大水黃灘將潰知府趙賢泣曰黃灘潰災吾民及他郡邑因出郡帑銀穀以散諸里胥躬冒風雨十餘日不櫛沐水漫堤如漏卮將潰賢於其處止軍民惴惴謂賢去公曰堤潰則無民無民安用守天寶罪予予願以身請命言訖水稍稍縮去而堤以無虞至今父老言者猶淫淫淚下也萬曆辛卯大

水黃灘決民之溺死者不下數萬其他房屋畜牯無算公安堤上接江陵下接石首楊林口凡萬有二千餘丈其艾家堰沙堤薄城不過三五十丈正當水衝邇因水勢南蓄危若葭葦每歲築堤而弊蠹盤據牢不可破萬曆壬辰冬郡學楊景淳視掾公安條陳粘連類竊之法集各里胥鳩工築之明年癸巳水溢吳家灣軍堤以軍官未築潰後議遷城未竟石首縣治一面濱江勢復下濕自元陳益港堤決爲害特甚嘉靖元年潰雙剏垸至今亦時有潰決其接公安堤經楊林市朱老灣藕池至接官亭共四千四百丈始化門丁家潭宋穴鋪雙剏垸南堤至調弦口共七千七百丈有奇而其間楊林藕池等處尤爲要害監利則西北有堤以障漢水東南有堤以障江水其要害者若東水火把新興黃師堤等處皆視他堤爲最而亦時遭潰決知府陳全之邑令王纘宗增築焉以龐公渡新增橫堤江漢不能合流水迅則他堤盡潰郡推官萬建崑議開龐公渡堤以流水道未果松滋當公安石首之上流縣東五里有古堤自堤首橋抵江陵之古牆鋪長亘八十餘里惟余家潭之七廟何家洲之朝英口古牆之灣珊口爲最枝江江水至此分派若水之分枝也縣治舊依高阜無隄防而東南有百里澌洋等洲延袤廣曠其堤之

最要害者莫過於古城腦蔣斗灣二處係通治上流一決則汎濫莫可捍禦若長陽之清江宜都之漢洋河皆各流於江而不能爲害故不詳載夫堤南起松滋至城陵磯長亘六百餘里北起逍遙湖至茅垵堤長互一百餘里中多險阨衝突又歲決而歲增故水入於松滋則溢公安石首安鄉華容諸邑而公安石首監利倚若輔車水入則互相爲害以溢他郡邑而公安爲甚水自李家垵入江陵則頃灌城下由江陵監利及潛江荊門而漢江湫隘水復上壅則江陵上六十里亦不免矣至漢水迅漲則由夜汊口達三湖過龍灣市其害中於江陵監利夏水溢則自監利入河達漢屈原所謂過夏首而西浮者是也故處草澤之區者水積而害劇居上流之地者水洩而害淺勢使然也南北之民皆恃堤爲命而所謂堤者又皆累土寸壤所積非有溝洫以殺之山林以阨之況水勢突決倏若風馳急若奔馬春夏霪澍股灌而支注者不可勝計一或失守則浩蕩千里墊溺漂塌民慮爲魚鼈幸不死者其何以聊生焉宋孟珙知江陵修三海八櫃而荊州稱爲天險後豪右據以爲田汪輝力復之又築寸金堤以捍江元薩德彌賢以忠翊授石首縣大德七年五月視掾六月堤決縣東之陳蠡港本官急築內之開口再築黃白